





藏書名臣傳卷二十七

八直節名臣

屈原

屈原者，名平，楚之同姓也。爲楚懷王左徒，博聞彊志，明於治亂，嫻於辭令。入則與王圖議國事，以出號令；出則接遇賓客，應對諸侯。王甚任之。上官大夫與之同列，爭寵而心害其能。懷王使屈原造爲憲令，屈平屬草藁未定。上官大夫見而欲奪之，屈平不與，因讒之曰：「王使屈平爲令，衆莫不知，每一令出，平伐其功，曰：『以爲非我莫能爲也。』」王怒而疏屈平。屈平疾王聽之不聰也，讒諂之蔽明也，邪曲之害

公也。方正之不容也。故憂愁幽思而作離騷。離騷者猶離
憂也。夫天者人之始也。父母者人之本也。人窮則反本。故
勞苦倦極。未嘗不呼天也。疾痛慘怛。未嘗不呼父母也。屈
平正道直行。竭忠盡智以事其君。讒人間之。可謂窮矣。信
而見疑。忠而被謫。能無怨乎。屈平之作離騷。蓋自怨生也。
國風好色而不淫。小雅怨誹而不怒。若離騷者可謂兼之
矣。上稱帝嚳。下道齊桓。中述湯武。以刺世事。明道德之廣
崇。治亂之條貫。靡不畢見。其文約。其辭微。其志潔。其行廉。
其稱文小而其指極大。舉類邇而見義遠。其志潔。故其稱
物芳。其行廉。故死而不容。自疏濯淖汙泥之中。蟬蛻於濁

穢以浮游塵埃之外、不獲世之滋垢、矐然泥而不滓者也。
推此志也、雖與日月爭光可也。真○真○屈平既絀、其後秦欲伐齊、
齊與楚從親、惠王患之、乃令張儀佯去秦、厚幣委質事楚、
曰：「秦甚憎齊、齊與楚從親、楚誠能絕齊、秦願獻商於之地
六百里。」楚懷王貪而信張儀、遂絕齊、使使如秦受地。張儀
詐之曰：「儀與王約六里、不聞六百里。」楚使怒去、歸告懷王。
懷王怒、大興師伐秦、秦發兵擊之、大破楚師於丹淅、斬首
八萬、虜楚將屈匄、遂取楚之漢中地。懷王乃悉發國中兵、
以深入擊秦、戰於藍田。魏聞之、襲楚至鄧。楚兵懼、自秦歸、
而齊竟怒、不救楚。楚大困。明年、秦割漢中地與楚、以和楚。

王曰、不願得地、願得張儀而甘心焉。張儀聞、乃曰、以一儀而當漢中地、臣請往如楚。如楚、又因厚幣用事者、臣靳尚、而設詭辯於懷王之寵姬鄭袖。懷王竟聽鄭袖、復釋去張儀。是時屈平既疏、不復在位、使於齊。顧反、諫懷王曰、何不殺張儀。懷王悔、追張儀不及。其後諸侯共擊楚、大破之、殺其將唐昧。時秦昭王與楚婚、欲與懷王會。懷王欲行、屈平曰、秦虎狼之國、不可信、不如無行。懷王稚子子蘭勸王行、奈何。絕秦歡。懷王卒行、入武關。秦伏兵絕其後、因畱懷王以求割地。懷王怒、不聽、亡走趙。趙不內、復之秦。竟死於秦、而歸葬。長子頃襄王立、以其弟子蘭爲令尹。楚人既咎子

蘭以勸懷王入秦而不反也。屈平既嫉之，雖放流，睠顧楚國，繫心懷王，不忘欲反。冀幸君之一悟，俗之一改也。其存君興國而欲反覆之，一篇之中三致意焉。然終無可奈何，故不可以反卒。以此見懷王之終不悟也。人君無愚智賢不肖，莫不欲求忠以自爲，舉賢以自佐。然亡國破家相隨，屬而聖君治國累世而不見者，其所謂忠者不忠，而所謂賢者不賢也。懷王以不知忠臣之分，故內惑於鄭袖，外欺於張儀，疏屈平而信上官大夫、令尹子蘭，兵挫地削，亡其六郡，身客死於秦，爲天下笑。此不知人之禍也。易曰：「井泄不食，爲我心恻。」可以汲，王明，並受其福。王之不明，豈足福。

哉。令尹子蘭聞之大怒，卒使上官大夫短屈原於頃襄王。頃襄王怒而遷之。屈原至於江濱，被髮行吟，澤畔顏色憔悴，形容枯槁。漁父見而問之曰：「子非三閭大夫歟？何故而至此？」屈原曰：「舉世混濁而我獨清，眾人皆醉而我獨醒，是以見放。」漁父曰：「夫聖人者，不凝滯於物，而能與世推移，舉世混濁，何不隨其流而揚其波？眾人皆醉，何不餽其糟而啜其醕？何故懷瑾握瑜而自令見放？」屈原曰：「吾聞之，新沐者必彈冠，新浴者必振衣，人又誰能以身之察察受物之汶汶者乎？寧赴常流而葬乎江魚腹中耳，又安能以皓皓之白而蒙世之溫蠖乎？」乃作懷沙之賦，於是懷石遂自

投汨羅而死。屈原既死之後，楚有宋玉、唐勒、景差之徒，皆好辭而以賦見稱。然皆祖屈原之從容辭令，終莫敢直諫。其後楚日以削，數十年竟爲秦所滅。

李卓吾曰：予讀漁父之詞，而知屈大夫非能言之而不能行也。蓋自不肯行也。人固有怨氣橫臆如醉如夢，尋死不已者，此等是也。宗國顛覆，姑且勿論。彼見其主日夕愚弄於賊臣之手，安忍坐視乎？勢之所不能活者，情之所不忍活也。其與顧名義而死者異矣。雖同在節義之列，初非有見於節義之重，而欲博一死以成名也。其屈大夫之謂與。

伍子胥申包胥

伍子胥者，楚人也。名員，員父曰伍奢，員兄曰伍尚。其先曰伍舉，以直諫事楚莊王，有顯於楚。楚平王有太子，名曰建，使伍奢爲太傅，費無忌爲少傅。無忌不忠於太子建，平王使無忌爲太子娶婦於秦。秦女好，無忌馳歸報王曰：「秦女絕美，王可自取。」平王遂自取秦女，而絕愛幸之。生子軫，無忌既以秦女自媚於王，因去太子而事平王。恐一旦王卒而太子立，殺已，乃讒太子建於平王。王使建守城父，備邊兵，而無忌又日夜讒太子不已，言太子欲入爲亂。平王乃召其太傅伍奢考問之。伍奢知無忌讒太子於王，因曰：「王獨奈何以讒賊小臣疏骨肉之親乎？」無忌曰：「王今不制其

事成矣。王見且禽，於是平王怒，囚伍奢而興○人○也○使城父司馬奢揚往殺太子。行未至，奮揚使人先告太子。太子建亡奔宋，無忌言於平王曰：「伍奢有二子皆賢，不誅且爲楚憂，可以其父質而召之。」王乃使謂伍奢曰：「能致汝二子則生，不能則死。」伍奢曰：「尚爲人仁，呼必來，負爲人剛戾，恐詢能成大事。」彼見來之，并禽，其勢必不來。王不聽，使人召二子曰：「來，吾生汝，父不來，今殺奢也。」伍尚欲往，負曰：「楚之召我兄弟，非欲以生我父也，恐有脫者，後生患，故以父爲質，詐召二子。二子去，則父子俱死，何益父之死？往而令讐不得報耳，不如往他國借力以雪父之耻，俱滅無爲也。」伍尚曰：「我知

往終不能全父命。然恨父召我以求生而不往耳。汝能報殺父之讐，我將歸死。於是尚被執，而伍胥遂亡。奢聞子胥之亡也，曰：「楚國君臣且苦兵矣。」伍尚至楚，楚并殺奢與尚。

伍胥聞太子建亡，走在宋，往從之。會宋有華氏之亂，乃俱

奔鄭。鄭人殺建。建有子名勝，胥復與勝奔吳。到昭關，昭關

欲執之，胥遂與勝獨身步走，幾不得脫。至江，江上有一漁

異人也隱於釣

父，知伍胥之急，乃渡伍胥。伍胥既渡，解劍與父，曰：「此劍直

百金。」父曰：「楚國之法，得伍胥者，賜粟五萬石，爵執珪，豈徒

○英○雄○多○磨○難

百金劍耶？」不受。伍胥行未至吳而疾止，中道乞食。至於吳，

吳公子光爲將，胥乃因公子光以求見吳王僚。久之，吳使

公子光伐楚，拔其鍾離，居巢。伍子胥說王僚曰：「楚可破也。」願復遣公子光。公子光謂吳王曰：「彼伍胥父兄爲戮於楚，而勸王伐楚者，欲以自報其讐耳。楚未可破也。」伍胥知公子光有內志，未可說以外事，乃進專諸於公子光。退而與太子建之子勝耕於野。五年而楚平王卒，平王所奪太子建秦女生子軫者，立爲後，是爲昭王。吳王僚因楚來，使二公子將兵襲楚，楚發兵絕吳兵後，吳兵不得歸，吳國內空。公子光乃令專諸襲刺吳王僚而自立，是爲吳王闔廬。闔廬旣立，得志，乃召伍員以爲行人，而與謀國事。楚又誅其大臣郤宛、伯州犂。伯州犂之孫伯嚭亡奔吳，吳亦以嚭爲

大夫吳闔廬三年。乃興師與伍胥伯嚭伐楚。拔舒。因欲至郢。將軍孫武曰。民勞未可。且待之。四年。吳伐楚。取六與潛。六年。楚昭王使公子囊瓦將兵伐吳。吳使伍員逆擊。大破楚軍於豫章。取楚之居巢。九年。闔廬謂子胥孫武曰。始子言郢未可入。今果何如。二子對曰。楚將囊瓦貪而唐蔡皆怨之。王必欲大伐之。必先得唐蔡。乃可。闔廬聽之。悉興師與唐蔡伐楚。乘勝而前五戰。遂至郢。己卯。楚昭王出奔庚辰。吳王入郢。始伍員與申包胥爲友。員之亡也。謂包胥曰。我必覆楚。包胥曰。我必存之。及吳兵入郢。伍子胥求昭王。不得。乃掘平王墓。出其尸。鞭之三百。申包胥亡於山中。使

人謂子胥曰。子之報讐。其以甚乎。吾聞之人衆者勝。天天
定亦能勝人。今子故平王之臣。親北面事之。今至於僂死。
人此豈其無天道之極乎。伍子胥曰。爲我謝申包胥曰。吾
○哀○哉○日暮途遠。吾故倒行而逆施之。於是申包胥走秦告急。求
救於秦。秦不許。包胥立於秦廷。晝夜哭。七日七夜。不絕聲。
秦哀公憐之。曰。楚雖無道。有臣若是。可以存矣。乃遣車五
百乘救楚。擊吳。六月。敗吳兵於稷。吳王乃歸。而楚昭王復
入郢。後二歲。闔廬使太子夫差將兵伐楚。楚懼。吳復大來。
乃去郢。徙於都。當是時。吳以伍胥孫武之謀。西破彊楚。北
威齊晉。南服越人。其後五年。伐越。越王勾踐迎擊。敗吳於

姑蘇傷闔廬指闔廬病創將死謂太子夫差曰爾忘勾踐殺爾父乎夫差對曰不敢忘也闔廬死夫差立以伯嚭爲太宰二年後伐越敗越於夫湫越王勾踐乃以餘兵五千棲於會稽之上使大夫種厚幣遺吳太宰嚭以請和求委國爲臣妾吳王將許之伍子胥諫曰越王爲人能辛苦今王不滅後必悔之吳王不聽用太宰嚭計與越平其後五年吳興師伐齊伍子胥諫曰勾踐食不重味弔死問疾且欲有所用之也此人不死必爲吳患今吳之有越猶人之有腹心疾也而王不先越而乃務齊不亦謬乎吳王不聽伐齊大敗齊師於艾陵遂滅鄒魯之君以歸益疏子胥之

貞、可、去、矣、。

謀其後四年吳王將伐齊越王勾踐用子貢之謀率其衆以助吳而重寶以獻遺太宰嚭太宰嚭既數受越賂其愛信越殊甚日夜爲言於吳王吳王信用其計子胥諫曰夫越腹心之病也貞多丁今信其浮辭詐僞而貪齊破齊譬猶石田無所用之願王釋齊而先越若不然後將悔之無及而吳王不聽使子胥於齊子胥臨行謂其子曰吾數諫王王不用吾今見吳之亡矣汝與吳俱亡無益也乃屬其子於齊鮑牧而還報吳吳太宰嚭因讒曰子胥爲人剛暴少恩恐爲深禍前日王欲伐齊子胥以爲不可王卒伐之而有大功子胥耻之而今王又復伐齊子胥專懷彊諫沮毀用事

徒幸吳之敗、以自勝其計謀、今王自行、而子胥輟謝、佯病、不行、王不可以不備、且謫使人徼伺之、其使於齊也、乃屬其子於鮑氏、夫爲人臣、內不得意外倚、諸侯自以爲先王之謀臣、不見用、常怏怏怨望、願王早圖之、吳王曰、徼子之言、吾亦疑之、乃使使賜伍子胥屬鏤之劍、曰、子以此死、伍子胥仰天歎曰、嗟乎、讒臣爲亂矣、王乃反聽讒臣言、以殺長者、乃告其舍人曰、必樹吾墓上以梓、令可以爲器、而抉吾眼、懸吳東門之上、以觀越寇之入、滅吳也、乃自剄死、吳王聞之大怒、取子胥尸、盛以鴟夷革、浮之江中、吳人憐之、爲立祠於江上、因命曰胥山、吳王旣誅伍子胥、遂伐齊、不

勝去其後二年。吳王召魯衛之君會之橐臯。其明年北大會諸侯於黃池。以令周室。越王勾踐因襲殺吳太子。破吳兵。吳王聞之。乃歸。使使厚幣與越平。後九年。勾踐遂滅吳。殺王夫差。而誅太宰嚭。以不忠於其君。而外受重賂與已比周也。太史公曰。怨毒之於人甚矣哉。王者尚不能行之於臣下。況同列乎。向令伍子胥從奢俱死。何異螻蟻棄小義。雪大耻。名垂於後世。悲夫。方子胥窘於江上。道乞食。志豈嘗須臾忘郢邪。故隱忍就功名。非烈丈夫孰能致此哉。李卓吾曰。伍員既沒。而後楚有屈原。雖生不並世。要皆楚之烈也。第原自欲死。而員乃爲人所死。屈原決擇於死生。

之○際○唯○死○爲○可○故○卒○就○死○以○明○已○之○生○真○不○如○死○也○伍○貞○知○吳○之○必○亡○而○不○知○已○之○先○亡○吳○猶○未○亡○而○身○先○亡○於○太○宰○嚭○之○手○矣○其○視○屈○大○夫○實○大○逕○庭○吾○是○以○後○之○雖○然○伍○子○胥○之○必○覆○楚○也○申○包○胥○之○必○復○楚○也○絕○孝○純○忠○驚○天○震○地○此○中○若○妄○有○褒○彈○是○誠○滅○郤○一○隻○眼○矣○豈○可○豈○可○

豫讓

豫讓者晉人也故嘗事范中行氏而無所知名去而事智伯智伯甚尊寵之及智伯伐趙襄子趙襄子與韓魏合謀滅智伯滅智伯之後而三分其地趙襄子最怨智伯漆其頭以爲飲器豫讓遁逃山中曰嗟乎士爲知己者死女爲

說已者容。今智伯知我，我必爲報讐而死，以報智伯。乃變名姓爲刑人，入宮塗廁中，挾匕首，欲以刺襄子。襄子如廁，心動，執問塗廁之刑人，則豫讓，內持刀兵。曰：「欲爲智伯報仇，左右欲誅之。」襄子曰：「彼義人也，吾謹避之耳。」且智伯亡無後，而其臣欲爲報仇，此天下之賢人也。卒釋去之。豫讓又漆身爲厲，吞炭爲啞，使形狀不可知，行乞於市。其妻不識也。行見其友，其友識之，爲之泣，曰：「以子之才，委質而臣事襄子，襄子必近幸子。近幸子，乃爲所欲，顧不易邪？乃殘身苦形，欲以求報，不亦難乎？」豫讓曰：「旣已委質臣事人，而求殺之，是懷二心以事其君也。且吾所爲者，極難耳。然所

以爲此者、將以愧天下後世之爲人、臣懷二心以事其君、者也。頃之、襄子當出、豫讓伏於所當過之橋下、襄子至橋、馬驚、襄子曰、此必豫讓、使人問之、果豫讓也。於是襄子乃數豫讓曰、子不嘗事范中行氏乎、智伯盡滅之、而子不爲報讐、而反委質臣於智伯、智伯亦已死矣、而子獨何以爲之報讐之深也。豫讓曰、臣事范中行氏、范中行氏皆衆人之遇我、我故衆人報之。至於智伯、國士遇我、我故國士報之。大○是○襄子喟然歎息而泣曰、嗟乎、豫子、子之爲智伯、名旣成矣、而寡人赦子、亦已足矣。子其自爲計、寡人不復釋子。豫讓曰、臣聞明主不掩人之美、而忠臣有死名之義。前君已寬

○可○悲○可○痛○

○大○是○

赦臣天下莫不稱君之賢今日之事臣固伏誅然願請君之衣而擊之焉以致報讐之意則雖死不恨也於是襄子大義之乃使使持衣與豫讓豫讓拔劍三躍而擊之日吾可以下報智伯矣遂仗劍自殺歿之日趙國志士聞之皆爲涕泣。

聶政

聶政者軹深井里人也殺人避仇與母姊如齊以屠爲事久之濮陽嚴仲子事韓哀侯與韓相俠累有郤嚴仲子恐誅亡去游求人可以報俠累者至齊齊人或言聶政勇敢士也避仇隱於屠者之間嚴仲子至門請數反然後具酒

自暢聶政母前酒酣嚴仲子奉黃金百鎰前爲聶政母壽
聶政驚怪其厚固謝嚴仲子嚴仲子固進而聶政謝曰臣
幸有老母家貧客游以爲狗屠可以旦夕得甘毳以養親
親供養備不敢當仲子之賜嚴仲子辟人因爲聶政言曰
臣有仇而行游諸侯衆矣然至齊竊聞足下義甚高故進
百金者將用爲夫人麤糲之費得以交足下之歡耳聶政
曰臣所以降志辱身居市井屠者徒幸以養老母老母在
政身未敢以許人也嚴仲子固讓聶政竟不肯受也然嚴
仲子卒備賓主之禮而去久之聶政母死旣已葬除服聶
政曰嗟乎政乃市井之人鼓刀以屠而嚴仲子乃諸侯之

卿相也。不遠千里。枉車騎而交臣。臣之所以待之。至淺鮮矣。未有大功。可以稱者。而嚴仲子奉百金爲親壽。我雖不受。然是者。徒深知政也。夫賢者以感忿睚眦之意。而親信窮僻之人。而政獨安得嘿然而已乎。且前日要政。政徒以老母。老母今以天年終。政將爲知己者用。乃遂西至濮陽。見嚴仲子。曰。前日所以不許仲子者。徒以親在。今不幸而老母以天年終。仲子所欲報仇者。爲誰。請得從事焉。嚴仲子具告曰。臣之仇韓相俠累。俠累又韓君之季父也。宗族盛多。居處兵衛甚設。臣欲使人刺之。衆終莫能就。今足下幸而不棄。請益其車騎壯士。可爲足下輔翼者。聶政曰。韓

之與衛相去中間不甚遠。今殺人之相，相又國君之親。此其勢不可以多人。多人不能無生得失，生得失則語泄。語泄是韓舉國而與仲子爲讐，豈不殆哉？遂謝車騎，人徒聶政乃辭，獨行。杖劍至韓，韓相俠累方坐府上，持兵戟而衛侍者甚衆。聶政直入，上階，刺殺俠累。左右大亂。聶政大呼，所擊殺者數十人。因自皮面決眼，自屠出腸，遂以死。韓取聶政屍暴於市，購問莫知誰子。於是韓購縣之有能言殺相俠累者，予千金。久之莫知也。政姊榮聞人有刺殺韓相者，賊不得國，不知其名姓，暴其屍而縣之千金。乃於邑曰：其是吾弟與？嗟乎！嚴仲子知吾弟，立起如韓之市，而死者

果政也。伏屍哭極哀。曰：是軹深井里。所謂聶政者也。市行者諸衆人皆曰：此人暴虐吾國相。王縣購其名姓千金。夫人不聞與。何敢來識之也。榮應之曰：聞之。然政所以蒙汚辱。自棄於市販之間者。爲老母幸無恙。妾未嫁也。親旣以天年下世。妾已嫁夫。嚴仲子乃察舉吾弟困汚之中而交之。澤厚矣。可奈何。士固爲知己者死。今乃以妾尚在之故。重自刑以絕從。妾其奈何畏歿身之誅。終滅賢弟之名。大驚。韓市人乃大呼天者三。卒於邑悲哀而死。政之旁。晉楚齊衛聞之。皆曰：非獨政能也。乃其姊亦烈女也。鄉使政誠知其姊。無濡忍之志。不重暴骸之難。必絕險千里以列其

名姊弟俱僂於韓市者亦未必敢以身許嚴仲子也嚴仲子亦可謂知人能得士矣

魏子與栗賢者

孟嘗君相齊其舍人魏子爲孟嘗君收邑入三反而不致一入孟嘗君問之對曰有賢者竊假與之以故不致入孟嘗君怒而退魏子居數年人或毀孟嘗君於齊潛王曰孟嘗君將爲亂及田甲劫潛王潛王意疑孟嘗君孟嘗君乃奔魏子所與栗賢者乃上書言孟嘗君不作亂遂自剄宮門以明孟嘗君潛王乃驚而踪跡驗問孟嘗君果無反謀乃復召孟嘗君孟嘗君因謝病歸老於薛

魏無忌侯羸朱亥

魏公子無忌者魏昭王少子而魏安釐王異母弟也是時
范雎亡相秦以怨魏齊故秦兵圍大梁破魏華陽下軍走
芒卯魏王公子患之公子爲人仁而下士士無賢不肖皆
謙而禮交之不敢以其富貴驕士士以此方數千里爭往
歸之致食客三千人當是時諸侯以公子賢多客不敢加
兵謀魏十餘年魏有隱士曰侯羸年七十家貧爲大梁夷
門監者公子聞之往請欲厚遺之不肯受曰臣修身潔行
數十年終不以監門困故而受公子財公子於是乃置酒
大會賓客坐定公子從車騎虛左自迎夷門侯生侯生攝

弊衣冠直上載公子。上坐不讓。欲以觀公子。公子執轡愈恭。侯生又謂公子曰。臣有客在市屠中。願在車騎過之。公子引車入市。侯生下見其客朱亥。睨故久立。與其客語。微察公子。公子顏色愈和。當是時。魏將相宗室賓客滿堂。待公子舉酒。市人皆觀。公子執轡從騎皆竊罵侯生。侯生視公子色終不變。乃謝客就車。至家。公子引侯生坐上坐。徧贊賓客。賓客皆驚。酒酣。公子起爲壽。侯生前。侯生因謂公子曰。今日嬴之爲公子亦足矣。嬴乃夷門抱關者也。而公子親往車騎。自迎嬴於衆人廣坐之中。不宜有所過。今公子故過之。然嬴欲就公子之名。故久立公子車騎市中。

過客以觀公子。公子愈恭。市人皆以羸爲小人而以公子

爲長者能下士也。於是罷酒。難乎其上矣。侯生又謂公

要緊話

子曰：臣所過屠者朱亥。此子賢者，世莫能知，故隱屠間耳。

公子往數請之。朱亥故不復謝公子。怪之。魏安釐王二十

年，秦昭王已破趙長平軍，又進兵圍邯鄲。公子姊爲趙惠

文王弟平原君夫人，數遺魏王及公子書，請救於魏。魏王

使將軍晉鄙將十萬衆救趙。秦王使使者謂魏王曰：吾攻

趙且暮，且下而諸侯敢救者，已拔趙，必移兵先擊之。魏王

恐，使人止晉鄙，留軍壁鄴，名爲救趙，陰持兩端以觀望。平

原君使者冠蓋相屬於魏。讓魏公子曰：勝所以自附爲婚

姻者以公子之高義能爲急人之困也。今邯鄲旦暮降秦而魏救不至，安在公子能急人之困也？公子患之，數請魏王及賓客辯士，說王萬端。魏王畏秦，終不聽公子。公子自度終不能得之於王，計不獨生而令趙亡，乃請賓客約車騎百餘乘，欲以客往赴秦軍，與趙俱死。行過夷門，見侯生，具告所以欲死秦軍狀。辭決而行。侯生曰：「公子勉之矣。」好老臣不能從公子行數里，心不快。曰：「吾所以待侯生者備矣，天下莫不聞，今吾且死，而侯生曾無一言半辭送我，我豈有所失哉？」復引車還問侯生。侯生笑曰：「臣固知公子之還也。公子喜士，名聞天下，今有難，無他端而欲赴秦軍，譬若

以肉投餒虎何功之有哉尚安事客然公子遇臣厚公子
往而臣不送以是知公子恨之復返也公子再拜固問侯
生乃屏人間語曰羸聞晉鄙之兵符抱、關、人、偏、知、宮、禁、秘、密、事、奇、哉常在王臥內而如姬
最幸出入王臥內力能竊之羸聞如姬父為人所殺如姬
資之三年自王以下欲求報其父仇莫能得如姬為公子
泣公子使客斬其仇頭敬進如姬如姬之欲為公子死無
所辭顧未有路耳公子誠一開口請如姬如姬必許諾則
得虎符奪晉鄙軍止救趙而西却秦此五霸之功也公子
從其計請如姬如姬果盜晉鄙兵符與公子公子行侯生
曰將在外主令有所不受以便國家公子即合符而晉鄙

不受公子兵而復請之事必危矣臣客屠者朱亥可與俱此人力士晉鄙聽大善此○策○方○完○妙○不聽可使擊之於是公子請朱亥

朱亥笑曰臣乃市井鼓刀屠者而公子親數存之所以不報謝者以爲小禮無所用今公子有急此乃臣效命之秋也遂與公子俱公子遂行至鄴矯魏王令代晉鄙晉鄙果合符疑之欲無聽朱亥袖四十斤鐵椎椎殺晉鄙公子遂將晉鄙兵勒兵下令軍中曰父子俱在軍中父歸兄弟俱在軍中兄歸獨子無兄弟歸養得選兵八萬人進兵擊秦軍秦軍解去遂救邯鄲存趙趙王及平原君自迎公子於界平原君負韞矢爲公子先引趙王再拜曰自古賢人未

有及公子者也。當此之時，平原君不敢自比於人。魏王怒公子之盜其兵符，矯殺晉鄙。公子亦自知已卻秦存趙，使將將其軍歸魏。而公子獨與客留趙。趙孝成王德公子，乃與平原君計，以五城封公子。公子聞之，意驕矜而有自功之色。客有說公子曰：「物有不可忘，或有不可不忘。夫人有德於公子，公子不可忘也；公子有德於人，願公子忘之也。」且矯魏王令，奪晉鄙兵以救趙。於趙則有功矣。於魏王則未爲忠臣也。於是公子立自責，似若無所容者。趙王掃除自迎，執主人之禮，引公子就西階。公子側行，辭讓從東階。上自言，臯過以負於魏，無功於趙。趙王侍酒至暮，口不忍。

獻五城以公子還讓也公子竟留趙公子聞趙有處士毛

偏能知人如此

公藏於博徒薛公藏於賣漿家公子欲見兩人兩人自匿
不肯見公子聞所在乃間步往從此兩人游平原君聞之
謂其夫人曰始吾聞夫人弟公子天下無雙今吾聞之乃
妄從博徒賣漿者游公子妄人耳夫人以告公子公子乃
謝夫人去曰始吾聞平原君賢故負魏王而救趙以稱平
原君平原君之游徒豪舉耳不求士也無忌自在大梁時
常聞此兩人賢至趙恐不得見以無忌從之游尚恐其不
我欲也今平原君乃以爲羞其不足從游乃裝爲去夫人
具以語平原君平原君乃免冠謝固留公子平原君門下

聞之半去平原君歸公子天下士復往歸公子公子傾平

原君客公子留趙十年不歸秦聞公子在趙日夜出兵東

伐魏魏王患之使使往請公子公子恐其怒之乃誠門下

有敢為魏王使通者死賓客皆背魏之趙莫敢勸公子歸

二客又出見

毛公薛公兩人往見公子曰公子所以重於趙名聞諸侯

者徒以有魏也今秦攻魏魏急而公子不恤使秦破大梁

而夷先王之宗廟公子當何面目立天下乎語未及卒公

終得士力

子立變色告車趣駕歸救魏魏王見公子相與泣而以上

將軍印授公子公子遂將魏安釐王三十年公子使使遍

告諸侯諸侯聞公子將各遣將將兵救魏公子率五國之

秦徒急魏王之親公

兵破秦軍於河外，走蒙驁，遂乘勝逐秦軍至函谷關，抑秦兵，秦兵不敢出。當是時，公子威振天下，諸侯之客進兵法，公子皆名之。故世俗稱魏公子兵法。

李卓吾曰：侯生之刎頸送公子也，感公子之知我也。是固然矣。然特其一耳。余嘗有侯生詠，今錄之。夷門畫策卻秦兵，公子奪符出魏城。上客功成心遂死，千秋萬歲有侯嬴。是亦然矣。而未盡也。余又有荆卿詠，復錄之。荆卿原不識燕丹，祇爲田光一歿難。慷慨悲歌爲擊筑，蕭蕭易水至今寒。向使田光不死，則荆卿決不見丹，矧肯入秦乎？故田光以歿激荆卿，而七首發侯生以死激朱亥，而晉鄙椎何者？

荆卿與太子本無相知之素。朱亥於公子亦無深交之分。也。當公子親迎侯生時。侯生故過朱亥而立公子車騎市中。豈真不知公子之退讓而復借此以觀之哉。公子既終不問。然後權詞以稱之耳。使公子當日果能請屠者與之同載而歸。則屠者卽爲公子客矣。當自能爲公子歿也。何待竊符之日。乃謂公子曰。臣客屠者朱亥可與俱。此人力士可使擊之乎。是朱亥至是尚爲侯生客。未嘗爲公子客也。非公子客。又何以得其歿力而用之。故侯生歿而朱亥決矣。夫古之君子貴成事。急然諾。如是而已。事苟可成。然諾苟可不失。則鼎鑊如飴。何足怪也。侯生本以智謀奇而

余獨列在節直之科者，以其視死如歸，不難報德以成事也。噫，若侯生者，豈直爲節直之雄哉？雖爲天子大臣可矣。

虞卿平原君

虞卿者，直節之臣，而非游說之士也。躡蹻擔簦，一見趙孝成王，賜黃金百鎰，白璧一雙，再見爲趙上卿，故號虞卿。初，秦昭王聞魏齊在平原君所，欲爲范雎必報其仇，乃佯爲好書遺平原君，曰：「寡人聞君之高義，君幸過寡人，寡人願與君爲十日之飲。」平原君畏秦，且以爲然，而入秦見昭王。昭王與平原君飲數日，昭王謂平原君曰：「昔周文王得呂尚以爲太公，齊桓公得管夷吾以爲仲父，今范君亦寡人

之叔父也。范君之仇在君之家，願使人歸取其頭來。不然，吾不出君於關。平原君曰：貴而爲友者，爲賤也；富而爲交者，爲貧也。夫魏齊者，勝之友也，在固不出也。今又不在臣

○卽○此○可○見○平、原、君、

所。昭王乃遺趙王書曰：王之弟在秦，范君之仇魏齊在平原君之家，王使人疾持其頭來，不然，吾舉兵而伐趙。又不

出王之弟於關。趙成王乃發卒圍平原君家。急，魏齊夜亡，出見趙相虞卿。虞卿度趙王終不可說，乃解其相印與魏

可○見○虞○卿○

○卽○此○

齊亡間行，念諸侯莫可以急抵者，乃復走大梁，欲因信陵君以走楚。信陵君聞之，畏秦猶豫，未肯見。曰：虞卿何如人也？時侯嬴在旁，曰：人固未易知，知人亦未易也。夫虞卿躡

○卽○此○又○見○侯○生○

屨擔簦一見趙王賜白璧一雙黃金百鎰再見拜爲上卿
三見卒受相印封萬戶侯當此之時天下爭知之矣夫魏
齊窮困過虞卿虞卿不敢重爵祿之尊解相印捐萬戶侯
○虞○卿○千○古○知○已○
而間行急士之窮而歸公子公子曰何如人人固不易知
知人亦未易也信陵君大慙駕如野迎之魏齊聞信陵君
之初難見之怒而自剄趙王聞之卒取其頭予秦秦昭王
乃出平原君歸趙虞卿旣以魏齊之故不重萬戶侯卿相
之印與魏齊間行去趙困梁魏齊已歿不得意乃著書上
採春秋下觀近世曰節義稱號揣摩政謀凡八篇以刺譏
國家得失世傳之曰虞氏春秋

太史公曰、虞卿料事、揣情、爲趙畫策、何其工也、及不忍魏、齊卒困於大梁、然虞卿非窮愁、亦安能著書、以自見於後世乎、李生日、虞卿不聞魏之有侯嬴乎、何不先見侯嬴也、見侯嬴、則必有策矣、嬴蓋有俠骨、深謀遠智而隱者也、虞卿不但節義、亦有智謀、可次侯生。

王蠋

燕之初入齊、聞畫邑人王蠋賢、令軍中曰、環畫邑三十里、無入、以王蠋之故、已而使人謂蠋曰、齊人多高子之義、吾以子爲將、封子萬家、蠋固謝、燕人曰、子不德吾、引三軍而屠畫邑、王蠋曰、忠臣不事二君、貞女不更二夫、齊王不聽。

吾諫故退而耕於野。國旣破亡，吾不能存。今又劫之以兵，與其生而無義，不如烹。遂經其頸於樹枝，自奮絕脰而死。齊亡，大夫聞之，曰：「王蠋布衣也，義不比面於燕，況在位食祿者乎？」乃相聚如菖，求諸子，立爲襄王。董份曰：「觀此敘王蠋事，則是以齊存亡係一布衣，其推蠋至矣。孰謂太史公之退節義乎？」

肥義

趙惠文王三年，主父封長子章爲代安陽君。章素侈心，不服其弟。主父又使田不禮相章也。李兌謂肥義曰：「公子章強壯而志驕，黨衆而欲大，殆有私乎？田不禮之爲人也，忍。」

殺而驕、二人相得、必有謀、陰賊起、夫小人、有欲、輕慮淺謀、
徒見其利、而不顧其害、同類相推、俱入禍門、以吾觀之、心、
不久矣、子任重而勢大、亂之所始、禍之所集也、甚○是○子奚不稱、
疾毋出、傳政於公子、成毋爲怨府、毋爲禍梯、肥義曰、不可、
昔者主父以王屬義也、曰毋變而度、毋異而慮、堅守一心、
以沒而世、義再拜受命而籍之、今畏不禮之難、而忘吾籍、
變孰大焉、進受嚴命、退而不全、負孰甚焉、變負之臣、不容、
於刑、諺曰、死○者○復○生○生○者○不○愧○吾○言○已○在○前○矣○吾○欲○全○吾○
言、安得全吾身、且夫貞臣也、難至而節見、忠臣也、累至而、
行明、子則有賜而忠我矣、雖然、吾有語在、前者也、終不敢、

失李兌曰諾子勉之涕泣而出四年主父令王聽朝而自
從旁窺羣臣宗室之禮見其長子章儼然也反北面爲臣
詘於其弟心憐之於是乃欲分趙而王章於代未決而輟
主父乃出游沙丘異宮公子章卽以其徒與田不禮作亂
詐以主父令召王肥義先入殺之公子成與李兌起四邑
之兵入距難殺公子章及田不禮滅其黨賊而定王室公
子章之敗往走主父主父開之成兌因圍主父宮公子章
歿公子成李兌謀曰以章故圍主父卽解兵吾屬夷矣乃
遂圍主父主父不得食探爵轂而食之三月餘而死

荊卿田光高漸離鞠武燕丹

荆軻者，衛人也。其先齊人，徙於衛。衛人謂之慶卿。之燕，燕人謂之荆卿。荆卿好讀書，擊劍，嘗游過榆次，與蓋聶論劍。蓋聶怒而目之。荆軻出，人或言復召荆卿。蓋聶曰：「曩者吾與論劍，有不稱者，吾目之。試往，是宜去，不敢留，使使往之。」主人荆卿則已駕而去榆次矣。使者還報，蓋聶曰：「固去也。」吾曩者目攝之。荆軻游邯鄲，與魯勾踐博，爭道，勾踐怒而叱之。荆軻嘿而逃去，遂不復會。既至燕，愛燕之狗屠及善擊筑者高漸離，日與狗屠及高漸離飲於燕市，酒酣以往，高漸離擊筑，荆軻和而歌於市中，相樂也。已而相泣，旁若無人者。荆軻雖游於酒人乎，然其爲人沈深好書，其所游

諸侯盡與其賢豪長者相結。其之燕。燕之處。士田光先生亦善待之。知其非庸人也。居頃之。會燕太子丹質秦亡歸。燕太子丹者。故嘗質於趙。而秦王政生於趙。其少時與丹歡。及政立爲秦王。而丹質於秦。秦王之遇燕太子丹不善。故丹怨而亡歸。歸而求爲報秦王者。國小力不能。其後秦日出兵山東。以伐齊楚三晉。且至於燕。太子丹患之。問其傅鞠武。武對曰。秦地徧天下。威脇韓魏趙氏。北有甘泉谷口之固。南有涇渭之沃。擅巴漢之饒。有隴蜀之山。左關穀之險。民衆而士厲。兵革有餘。意有所出。則長城之南。易水以北。未有所定也。奈何以見陵之怨。欲批其逆鱗哉。居有

間秦將樊於期得罪於秦王亡之燕太子受而舍之鞠武
諫曰不可夫以秦王之暴而積怒於燕足爲寒心又况聞
樊將軍之所在乎是謂委肉當餓虎之蹊也禍必不振矣
雖有管晏不能爲之謀也願太子疾遣樊將軍入匈奴以
滅口請西約三晉南連齊楚北購單于其後乃可圖也太
子曰太傅之計曠日彌久心惛然恐不能須臾且非獨於
此也夫樊將軍窮困於天下歸身于丹丹終不以迫於彊
秦而棄所哀憐之交置之匈奴是固丹命卒之時也願太
傅更慮之鞠武曰夫行危欲求安造禍而求福計淺而怨
深連結一人之後交不顧國家之大害此謂資怨而助禍

胡說

矣。夫以鴻毛燎以爐炭之中，必無事矣。且以鵬鷺之秦行，怨暴之怒，豈足道哉？燕有田光先生，其爲人智深而勇沉，可與謀。太子曰：願因太傅而得交於田先生可乎？鞠武曰：敬諾。出見田先生，道太子願圖國事於先生也。田光曰：敬奉教，乃造焉。太子逢迎，卻行爲導，跪而蔽席。田光坐定，左右無人，太子避席而請曰：燕秦不兩立，願先生留意也。田光曰：臣聞騏驎盛壯之時，一日而馳千里；至其衰老，駑馬先之。今太子聞光盛壯之時，不知臣精已消亡矣。雖然，光不敢以圖國事，所善荊卿可使也。竊觀太子客無可用者，夏扶、血勇之人，怒而面赤；宋意、脉勇之人，怒而面青；武陽

骨勇之人怒而面白。光所知荆軻神勇之人怒而色不變。太子曰：願因先生得結交於荆卿可乎？田光曰：敬諾。即起趨出。俚行見荆卿曰：光與子相善，燕國莫不知。今太子聞光壯盛之時，不知吾形已不逮也。光竊不自外，言足下於太子也。願足下過太子於宮。荆軻曰：謹奉教。於是田光欲自殺以激荆卿。曰：願足下急過太子，言光已死矣。因遂自刎而死。荆軻遂見太子，言田光已死。太子再拜而跪，膝行流涕。有頃而後言曰：田先生不知丹之不肖，使得至前，此天之所以哀燕而不棄其孤也。今秦有貪利之心而欲不可足也，非盡天下之地，臣海內之王者，其意不厭。今秦已

虜韓王、盡納其地、又舉兵南伐楚、北臨趙、王翦將數十萬之衆距漳、鄴、而李信出太原、雲中、趙不能支、秦必入、臣入、臣則禍至、燕、燕小弱、數困於兵、今計舉國不足以當秦、諸侯服秦、莫敢合從、丹之私計、以爲誠得天下之勇士、使於秦、闕以重利、秦王貪其勢、必得所願矣、誠得剗秦王、使悉反諸侯侵地、若曹沫之與齊桓公、則大善矣、則不可、因而刺殺之、彼秦大將擅兵於外、而內有亂、則君臣相疑、以其間、諸侯得合從、其破秦必矣、此丹之上願、而不知所委命、唯荆卿留意焉、荆軻曰、此國之大事也、臣駑下、恐不足任、使太子前頓首、固請毋讓、然後許諾、於是尊荆卿爲上卿、

舍上舍太子日造門下供太牢具異物間進車騎美女恣
荆軻所欲以順適其意久之荆軻未有行意秦將王翦破
趙虜趙王盡收入其地進兵北略地至燕南界太子丹恐
懼乃請荆軻曰秦兵旦暮度易水則雖欲長侍足下豈可
得哉荆卿曰微太子言臣願謁之今行而毋信則秦未可
親也夫樊將軍秦王購之金千斤邑萬家誠得樊將軍首
與燕督亢之地圖奉獻秦王秦王必說見臣臣乃得有以
報太子曰樊將軍窮困來歸丹丹不忍以已之私而傷長
者之意願足下更慮之荆軻知太子不忍乃遂私見樊於
期曰秦之遇將軍可謂深矣父母宗族皆爲戮沒今聞購

將軍首、金千斤、邑萬家、將奈何、於期仰天太息、流涕曰、於期每念之、常痛於骨髓、顧計不知所出耳、荆軻曰、今有一言、可以解燕國之患、報將軍之仇者、何如、於期乃前曰、爲之奈何、荆軻曰、願得將軍之首以獻秦王、秦王必喜而見臣、臣左手把其袖、右手搥其胸、然則將軍之仇報、而燕見陵之愧除矣、將軍豈有意乎、樊於期偏袒搥腕而進曰、此臣之日夜切齒腐心也、乃今得聞教、遂自剄、太子聞之、馳往、伏屍而哭、極哀、旣已、不可奈何、乃遂盛樊於期首函封之、於是太子豫求天下之利匕首、得趙人徐夫人匕首、取之百金、使工以藥淬之、以試人、血濡縷、人無不立死者、乃

裝爲遣荆卿。燕國有勇士秦舞陽，年十三，殺人，人不敢忤視。乃令秦舞陽爲副，荆軻有所待，欲與俱。其人居遠未來，而爲治行。頃之未發，太子遲之，疑其改悔，乃復請曰：「日已盡矣，荆卿豈有意哉？」丹請得先遣秦舞陽。荆軻怒叱太子曰：「何太子之遣？往而不反者，豎子也！」且提一匕首，入不測之彊。秦僕所以畱者，待吾客與俱。今太子遲之，請辭決矣！」遂發。太子及賓客知其事者，皆白衣冠以送之。至易水之上，旣祖，取道，高漸離擊筑，荆軻和而歌，爲變徵之聲。士皆垂淚涕泣。又前而歌曰：「風蕭蕭兮，易水寒；壯士一去兮，不復還。」復爲羽聲，忼慨。士皆瞋目，髮盡上指冠。於是荆軻就

車而去。終已不顧。遂至秦。持千金之資幣物。厚遺秦王寵臣中庶子蒙嘉。嘉爲先言於秦王曰。燕王誠振怖大王之威。不敢舉兵以逆軍吏。願舉國爲內臣。比諸侯之列。給貢職如郡縣。而得奉守先王之宗廟。恐懼不敢自陳。謹斬樊於期之頭。及獻燕督亢之地圖。函封。燕王拜送於庭。使使以聞大王。唯大王命之。秦王聞之大喜。乃朝服設九賓。見燕使者咸陽宮。荆軻奉樊於期頭函。而秦舞陽奉地圖匣。以次進。至陞。秦舞陽色變振恐。羣臣怪之。荆軻顧笑舞陽。前謝曰。北蕃蠻夷之鄙人。未嘗見天子。故振懼。願大王少假借之。使得畢使於前。秦王謂軻曰。取舞陽所持地圖。軻

既取圖奏之秦王發圖圖窮而匕首見因左手把秦王之袖而右手持匕首揜之未至身秦王驚自引而起袖絕拔劍劍長操其室時惶急劍堅故不可立拔荆軻逐秦王秦王王環柱而走羣臣皆愕卒起不意盡失其度而秦法羣臣侍殿上者不得持尺寸之兵諸郎中執兵皆陳殿下非有詔召不得上方急時不及召下兵以故荆軻乃逐秦王而卒惶急無以擊軻而以手共搏之是時侍醫夏無且以其所奉藥囊提荆軻也秦王方環柱走卒惶急不知所爲左右乃曰王負劍負劍遂拔以擊荆軻斷其左股荆軻廢乃引其匕首以擗秦王不中中銅柱秦王復擊軻軻被八創

○天○也○

軻自知事不就。倚柱而笑。箕倨以罵。曰。事所以不成者。以
欲生劫之。必得約。弊以報太子也。於是左右既前殺軻。秦
王不怡者良久。已而論功賞羣臣。及當坐者。各有差。而賜
夏無且黃金二百鎰。曰。無且愛我。乃以藥囊提荆軻也。於
是秦王大怒。益發兵詣趙。燕王乃使使斬太子丹。欲獻之
秦。秦復進兵攻之。後五年。秦卒滅燕。虜燕王。喜其明年。秦
并天下。立號爲皇帝。於是秦逐太子丹。荆軻之客。皆亡。高
漸離變名姓。爲人庸保。匿作於宋子。久之。作苦。聞其家堂
上客擊筑。徬徨不能去。每出言曰。彼有善。有不善。從者以
告其主。曰。彼庸乃知音。竊言是非。家丈人召使前擊筑。一

坐稱善。賜酒而高漸離念久隱。畏約無窮時。乃退出其裝匣中。筑與其善衣。更容貌而前。舉坐客皆驚。下與抗禮。以爲上客。使擊筑而歌。客無不流涕而去者。宋子傳客之聞於秦始皇。秦始皇召見人。有識者。乃曰。高漸離也。秦始皇惜其善擊筑。重赦之。乃矐其目。使擊筑。未嘗不稱善。稍益近之。高漸離乃以鉛置筑中。復進得近。舉筑扑秦始皇。帝不中。於是遂誅高漸離。終身不復近諸侯之人。

言名臣傳卷二十七

終

藏書名臣傳卷二十八

八直節名臣

濮陽周氏魯朱家

季布者楚人也爲氣任俠有名於楚項籍使將兵數窘漢王及項羽滅高祖購求布千金敢有舍匿罪及三族季布匿濮陽周氏周氏曰漢購將軍急迹且至臣家將軍能聽臣臣敢獻計卽不能願先自剄季布許之乃髡鉗季布衣褐衣置廣柳車中并與其家僮數十人之魯朱家所賣之朱家心知是季布乃買而置之田誠其子曰田事聽此奴必與同食朱家乃乘軺車之洛陽見汝陰侯滕公滕公留

朱家飲數日、因謂滕公曰、季布何大罪、而上求之急也、滕公曰、布數爲項羽窘上、上怨之、故必欲得之、朱家曰、君視季布何如人也、曰、賢者也、朱家曰、臣各爲其主用、季布爲項籍用、職耳、項氏臣、可盡誅邪、今上始得天下、獨以已之私怨、求一人、何示天下之不廣也、且以季布之賢、而漢求之急如此、此不北走胡、卽南走越耳、夫忌壯士、以資敵國、此伍子胥所以鞭荆平王之墓也、君何不從容爲上言邪、汝陰侯滕公心知朱家大俠意、季布匿其所、乃許曰、諾、待間、果言如朱家指、上乃赦季布、召拜郎中、朱家遂不復見之、當是時、諸侯皆多季布能摧剛爲柔、朱家亦以此名聞、

當世

季布樂布

季布既得脫，召見拜爲郎中。孝惠時，爲中郎將，單于嘗爲書嫚呂后，不遜。呂后大怒，召諸將議之。上將軍樊噲曰：「臣願得十萬衆，橫行匈奴中。」諸將皆阿呂后意，曰：「然。」季布曰：「樊噲可斬也。夫高帝將兵四十餘萬，衆困於平城，噲時亦在其中。今噲奈何以十萬衆橫行匈奴中？面欺且秦以事於胡，陳勝等起于今，瘡痍未瘳，噲又面諛，欲動搖天下，是時殿上皆恐。太后罷朝，遂不復議擊匈奴事。孝文時，布爲河東守，人有言其賢者，孝文召欲以爲御史大夫，復有言

其勇使酒難近、至留邸一月、見罷、季布因進曰、臣無功、竊寵待罪河東、陛下無故召臣、此人必有以毀臣者、夫陛下以一人之譽而召臣、一人之毀而去臣、臣恐天下有識聞之、有以闕陛下也、上默然慚、良久曰、河東吾股肱郡、故特召君耳、布辭之官、楚人曹丘生數招權、顧金錢、事貴人、趙同等與竇長君善、季布聞之、寄書諫竇長君曰、吾聞曹丘生非長者、勿與通、及曹丘生歸、欲得書請季布、竇長君曰、季將軍不說足下、足下無往、固請書、遂行、使人先發書、季布果大怒、待曹丘、曹丘至、卽揖季布曰、楚人諺曰、得黃金百斤、不

如得季布一諾。足下何以得此聲於梁楚間哉。且僕楚人。足下亦楚人也。僕游揚足下之名於天下。顧不重邪。何足下距僕之深也。季布乃大說。引入留數月。爲上客。厚送之。季布名所以益聞者。曹丘揚之也。季布弟季心。氣蓋關中。遇人恭謹。爲任俠。嘗殺人亡之。吳從袁絲匿。長事袁絲。弟畜灌夫。籍福之屬。嘗爲中尉司馬。中尉郅都。不敢不加禮。少年多時。時竊籍其名以行。當是時。季心以勇。布以諾。著聞關中。

樂布者。梁人也。始梁王彭越爲家人時。嘗與布游。窮困。賃傭於齊。爲酒人保。數歲。彭越去之。巨野中爲盜。而布爲人。

所略賣爲奴於燕爲其家主報仇燕將臧荼舉以爲都尉
臧荼後爲燕王以布爲將及臧荼反漢擊燕虜布梁王彭
越聞之乃上言請贖布以爲梁大夫使於齊未還漢召彭
越責以謀反夷三族已而梟彭越頭於雒陽下詔曰有敢
收視者輒捕之布從齊還奏事彭越頭下祠而哭之吏捕
布以聞上召布罵曰若與彭越反邪吾禁人勿收若獨祠
而哭之與越反明矣趣烹之方提趣湯布顧曰願一言而
死上曰何言布曰方上之困於彭城敗滎陽成臯間項王
所以遂不能西徙以彭王居梁地與漢合從苦楚也當是
之時彭王一顧與楚則漢破與漢而楚破且垓下之會微

彭王項氏不亡天下已定彭王剖符受封亦欲傳之萬世
今陛下下徵兵於梁彭王病不行而陛下疑以爲反反形
未見以苛小案誅滅之臣恐功臣人人自危也今彭王已
死臣生不如死請就烹於是上乃釋布罪拜爲都尉孝文
時爲燕相至將軍吳軍反時以軍功封俞侯復爲燕相燕
齊之間皆爲布立社號曰樂公社景帝中五年薨
太史公曰以項羽之氣而季布以勇顯於楚身屢典軍
旗者數矣可謂壯士然被刑戮爲人奴而不死何其下也
彼必自負其材故受辱而不羞欲有所用其未足也故終
爲漢名將賢者誠重其死夫婢妾賤人感慨而自殺者非

能勇也。其計畫無復之耳。欒布哭彭越、趙湯如歸者，彼誠知所處，不自重其死，雖往古烈士，何以加哉！
李生曰：季布重其死，欒布不自重其死，得死所也。

周昌周苛

周昌者，沛人也。其從兄曰周苛。周昌、周苛自卒，史從沛公入關，破秦，沛公立爲漢王，以周苛爲御史大夫，周昌爲中尉。漢王四年，楚圍漢王，滎陽急。漢王遁出去，而使周苛守滎陽城。楚破滎陽城，欲令周苛將。苛罵曰：「若趣降漢王，不然，今爲虜矣！」項羽怒，烹周苛。於是乃拜周昌爲御史大夫，常從擊破項籍，封爲汾陰侯。昌爲人彊力，敢直言，自蕭曹

等皆卑下之。昌嘗燕時入奏事。高帝方擁戚姬。昌還走。高帝逐得。騎周昌項。問曰。我何如主也。昌仰曰。陛下卽桀紂之主也。於是上笑之。然尤憚周昌。及帝欲廢太子而立戚姬子如意爲太子。大臣固爭之。莫能得上。以畱侯策卽止。而周昌廷爭之彊。上問其說。昌爲人吃。又盛怒曰。臣口不能言。然臣期期知其不可。陛下雖欲廢太子。臣期期不奉詔。上欣然而笑。旣罷。呂后側耳於東廂。聽見周昌爲跪謝曰。微君。太子幾廢。是後戚姬子如意爲趙王。年十歲。高祖憂卽萬歲之後不全也。趙堯年少。爲符璽御史。趙人方與公謂御史大夫周昌曰。君之史趙堯年雖少。然竒才也。君

必異之是、且代君之位、周昌笑曰、堯年少、刀筆吏耳、何能
至是、居頃之、趙堯侍高祖、高祖獨心不樂悲歌、羣臣不知
上之所以然、趙堯進請問曰、陛下所爲不樂、非爲趙王年
少而戚夫人與呂后有郤、備萬歲之後、而趙王不能自全
乎、高祖曰然、吾私憂之、不知所出、堯曰、陛下獨宜爲趙王
置貴彊相、及呂后太子羣臣素所敬憚、乃可、高祖曰然、吾
念之、欲如是、而羣臣誰可者、堯曰、御史大夫周昌、其人堅
忍質直、且自呂后太子及大臣皆素敬憚之、高祖曰善、於
是乃召周昌謂曰、吾欲固煩公、公彊爲我相、趙王周昌泣
曰、臣初起從陛下、陛下獨奈何中道而棄之於諸侯乎、高

祖曰吾極知其左遷然吾私憂趙王念非公無可者公不得已彊行於是徙御史大夫周昌爲趙相旣行又之高祖持御史大夫印弄之曰誰可以爲御史大夫者熟視趙堯曰無以易堯遂拜趙堯爲御史大夫

貫高

漢七年高祖從平城過趙趙王朝夕袒韞蔽自上食禮甚卑高祖箕倨詈甚慢易之趙相貫高趙午等年六十餘故張耳客也生平爲氣乃怒曰吾王孱王也說王曰夫天下豪傑並起能者先立今王事高祖甚恭而高祖無禮請爲王殺之張敖齧其指出血曰君何言之誤且先人亡國賴

教亦可能若一等者先首免矣一等是誰今之道

高祖得復國德流子孫秋毫皆高祖力也願君無復出口

學是也

貫高趙午等十餘人皆相謂曰乃吾等非也吾王長者不
倍德且吾等義不辱今怨高祖辱我王故欲殺之何乃洿
王爲乎令事成歸王事敗獨身坐耳漢八年上從東垣還
過趙貫高等乃壁人柏人要之置上過欲宿心動問曰縣
名爲何曰柏人柏人者迫於人也不宿而去漢九年貫高
怨家知其謀乃上變告之於是上皆并逮捕趙王貫高等
十餘人皆爭自剄貫高獨怒罵曰誰令公爲之今王實無
謀而并捕王公等皆死誰白王不反者乃轎車膠致與王
詣長安治張敖之罪上乃詔趙羣臣賓客有敢從王皆族

貫高與客孟舒等十餘人皆自髡鉗爲王家奴從來貫高
至對獄曰獨吾屬爲之王實不知吏治榜笞數千刺剝身
無可擊者終不復言呂后數言張王以魯元公主故不宜
有此上怒曰使張敖據天下豈少而女乎不聽廷尉以貫
高事辭聞上曰壯士誰知者以私問之中大夫泄公曰臣
之邑子素知之此固趙國立名義不侵爲然諾者也上使
泄公持節問之獲與前仰視曰泄公邪泄公勞苦如生平
懽與語問張王果有計謀不高曰人情寧不各愛其父母
妻子乎今吾三族皆以論死豈以王易吾親哉顧爲王實
不反獨吾等爲之具道本指所以爲者王不知狀於是泄

公入具以報上乃赦趙王上賢貫高爲人能立然諾使泄
公具告之曰張王已出因赦貫高貫高喜曰吾王審出乎
泄公曰然泄公曰上多足下故赦足下貫高曰所以不死
一身無餘者白張王不反也今王已出吾責已塞歿不恨
矣且人臣有篡弑之名何面目復事上哉縱上不殺我我
不愧於心乎乃仰絕脰遂歿當此之時名聞天下張敖已
出以尚魯元故封爲宣平侯於是上賢張王諸客以鉶奴
從張王入關無不爲諸侯相郡守者及孝惠高后文帝孝
景時張王客子孫皆得爲二千石

汲黯

任子恩生

汲黯字長孺、濮陽人。黯以父任、孝景時爲太子洗馬。以莊
見憚。武帝卽位、黯爲謁者。東越相攻、上使黯往視之、不至。
至吳而還、報曰：「越人相攻、固其俗然、不足以辱天子之使。」
河內失火、延燒千餘家。上使黯往視之、還報曰：「家人失火、
屋比延燒、不足憂也。臣過河南、河南貧人傷水旱萬餘家、
或父子相食。臣謹以便宜持節發河南倉粟以賑貧民。」臣
請歸節、伏矯制之罪。上賢而釋之。好○皇○帝○遷爲滎陽令。黯耻爲令、
病歸田里。好○皇○帝○上聞乃召拜爲大夫。以數切諫、不得久留內、遷
爲東海太守。黯學黃老之言、治官理民、好清靜、擇丞史而
任之。其治責大指而已、不苛小。黯多病、臥閨閣內、不出歲

○好○皇○帝○

餘東海大治稱之上聞召以爲主爵都尉列於九卿黯爲
人性倨少禮面折不能容人之過合已者善待之不合已
者不能忍見然好學游俠任氣節內行修潔好直諫數犯

全似卓老

主之顏色常慕傳伯袁盎之爲人也天子方招文學儒者

上曰吾欲云云黯對曰陛下內多欲而外施仁義奈何欲

效唐虞之治乎上默然怒變色而罷朝公卿皆黯懼上

好皇帝

退謂左右曰甚矣汲黯之戇也黯多病莊助爲請告上曰

助亦聰明

黯何如人哉助曰使黯任職居官無以踰人然至其輔少

主守城深堅招之不來麾之不去雖自謂賁育亦不能奪

好皇帝

之上曰然古有社稷之臣至如黯近之矣大將軍青侍中

上踞廁而視之。丞相弘燕見上，或時不冠。至如黯見上，不冠不見也。上嘗坐武帳中，黯前奏事，上不冠，望見黯，避帳中，使人可其奏。其見敬禮如此。張湯方以更定律令爲廷尉，黯數質責湯於上前，曰：「公爲正卿，上不能褒先帝之功業，下不能抑天下之邪心，安國富民，使囹圄空虛，何乃取高皇帝約束紛更之爲？」公以此無種矣。黯時與湯議論，湯辯常在文深小苛，黯伉厲守高，不能屈，忿發罵曰：「天下謂刀筆吏不可爲公卿，果然，必湯也！」令天下重足而立，側目而視矣。是時漢方征匈奴，招懷四夷，黯務少事，嘗言與胡和親，便上方向儒術，尊公孫弘，而黯常毀儒者，面觸弘等。

弘爲丞相、乃言上曰、右內史界部中多貴人、宗室難治、非素重臣不能任、請徙黯爲右內史、爲右內史數歲、官事不廢、大將軍青旣益尊、姊爲皇后、然黯與亢禮、人或說黯曰、自天子欲羣臣下大將軍、大將軍尊重益貴、君不可以不拜、黯曰、以大將軍有揖客、又不重邪、大將軍聞、愈賢黯、數請問國家朝廷所疑、遇黯過於平生、淮南王謀反、憚黯曰、奸直諫、守節死、義難惑以非、至如說丞相弘、如發蒙振落耳、始黯列爲九卿、而公孫弘、張湯爲小吏、及弘、湯稍益貴、與黯同位、黯又非毀弘、湯等已、而弘至丞相、封爲侯、湯至御史大夫、故黯時丞相、史皆與黯同列、或尊用過之、黯褊

一何大將軍

一寬心

又加
心不能無少望見上前言曰陛下用羣臣如積薪余後來者居上上默然有間黯罷上曰人果不可以無學觀黯之言也益甚居無何匈奴渾邪王率衆來降漢發車二萬乘縣官無錢從民貰馬民或匿馬馬不具上怒欲斬長安令黯曰長安令無罪獨斬黯民乃肯出馬且匈奴叛其主而降漢漢徐以縣次傳之何至今天下騷動罷弊中國而以事夷狄之人乎上默然及渾邪至賈人與市者坐當死者五百餘人黯請間見高門曰匈奴攻當路塞絕和親中國興兵誅之歾傷者不可勝計而費以巨萬百數臣愚以爲陛下得胡人皆以爲奴婢以賜從軍死事者家所鹵獲因

、好、自、手、帝、

予之以謝天下之苦。今縱不能渾邪率數萬之衆來降，虛府庫賞賜，發良民侍養，譬若奉驕子，愚民安知市賈長安中物，而文吏繩以爲闡出財物于邊關乎？上默然不語，曰：「吾久不聞汲黯之言，今又復妄發矣。」後數月，黯坐小法，會赦免官。於是黯隱於田園，居數年，會更五銖錢，民多盜鑄，錢楚地尤甚。上以爲淮陽楚地之郊，乃召拜黯爲淮陽太守。黯伏謝不受印，詔召見黯。黯爲上泣，曰：「臣自以爲填溝壑，不復見陛下，不意陛下復收用之。」臣長有狗馬病，力不能任郡事，臣願爲中郎，出入禁闥，補過拾遺，臣之願也。上曰：「君薄淮陽邪？吾今召君矣。」顧淮陽吏民不相得，吾徒得

君之重臥而治之黠居郡如故治淮陽政清上令黠以諸侯相秩居淮陽七歲而卒

蘇武

任子官生

蘇武建之子字子卿少以父任兄弟並爲郎時漢連伐胡數通使相窺觀匈奴留漢使郭吉路充國等前後十餘輩匈奴使來漢亦留之以相當天漢元年且鞮侯單于初立恐漢襲之乃曰漢天子我丈人行也盡歸漢使路充國等武帝嘉其義乃遣武以中郎將使持節送匈奴使留漢者因厚賂單于答其善意武與副中郎將張勝及假吏常惠等募士斥候百餘人俱既至匈奴置幣遺單于單于益驕

非漢所望也。方欲發使送武等，會緱王與長水虞常等謀反。匈奴中，虞常在漢時，素與副張勝相知，私候勝曰：「聞漢天子甚怨衛律，常能爲漢伏弩射殺之。」張勝許之以貨物。與常後月餘，單于出獵，虞常等謀未發而事覺。勝聞之，恐前語發，以狀語武。武曰：「事如此，此必及我，見犯乃死，重負國。」欲自殺，勝、惠共止之。虞常果引張勝，單于怒，使衛律召武受辭。武謂惠等：「屈節辱命，雖生何面目？以歸漢，引佩刀自刺。」衛律驚，自抱持武，馳召醫，鑿地爲坎，置燼火，覆武其上，蹈其背以出血。武氣絕，半日復息。惠等哭，輿歸營。單于壯其節，朝夕遣人候問武，而收繫張勝。武益愈，單于使使

曉武會論虞常欲因此時降武劍斬虞常已律曰漢使張
勝謀殺單于近臣當死單于募降者赦罪舉劍欲擊之勝
請降律謂武曰副有罪當相坐武曰本無謀又非親屬何
謂相坐復舉劍擬之武不動律曰蘇君律前負漢歸匈奴
幸蒙大恩賜號稱王擁衆數萬馬畜彌山富貴如此蘇君
今日降明日復然空以身膏草野誰復知之武不應律曰
君因我降與君爲兄弟今不聽吾計後雖欲復見我尚可
得乎武罵律曰女爲人臣子不顧恩義畔主背親爲降虜
於蠻夷何以女爲見且單于信汝使決人死生不平心持
正反欲鬪兩主觀禍敗南越殺漢使者屠爲九郡宛王殺

此乃真屈矣

漢使者頭懸北闕。朝鮮殺漢使者。卽時誅滅。獨匈奴未。余。若知我不降。明欲令兩國相攻。匈奴之禍。從我始矣。律知武終不可脇。白單于。單于愈益欲降之。乃幽武置大窖中。絕不飲食。天雨雪。武臥齧雪與旃毛并咽之。數日不死。匈奴以爲神。乃徙武北海無人處。使牧羝。羝乳乃得歸。別其官屬常惠等各置他所。武旣至海上。廩食不至。掘野鼠去草頭而食之。杖漢節牧牛。臥起操持節。旄盡落。積五六年。單于弟於靬王弋射海上。武能網紡繳。檠弓弩。於靬王愛之。給其衣食。三歲餘。王病。賜武馬畜。服匿穹廬。王死後。人衆徙去。其冬丁令盜武牛羊。武復窮厄。初武與李陵俱。

爲侍中、武使匈奴、明年陵敗、不敢求武、久之、單于使陵至海上、爲武置酒設樂、因謂武曰、單于聞陵與子卿素厚、故使陵來說足下、虛心相待、終不得歸、漢空自苦、亡人之地、信義安所見乎、前長君爲奉車、扶輦、折轅、伏劍、自刎、孺卿從祠河東、詔使逐捕、官騎不得、惶恐飲藥而歿、來時太夫人已不幸、陵送葬至陽陵、子卿婦年少、聞已更嫁矣、獨有女弟二人、兩女一男、今復十餘年、存亡不可知、人生如朝露、何久自苦如此、陵始降時、忽忽如狂、自痛負漢、加以老母繫保宮、子卿不欲降、何以過陵、且陛下春秋高、法令亡常、大臣亡罪夷滅者數十家、安危不可知、子卿尚復誰

爲乎。願聽陵計。勿復有云。武曰。武父子亡功德。皆爲陛下所成就。位列將。爵通侯。兄弟親近。常願肝腦塗地。今得殺身自效。雖蒙斧鉞湯鑊。誠甘樂之。臣事君。猶子事父也。子爲父死。無所恨。願勿復再言。陵與武飲數日。復曰。子卿一聽陵言。武曰。自分已死久矣。王必欲降武。請畢今日之歡。效死於前。陵見其至誠。喟然歎曰。嗟乎。義士。陵與衛律之罪。上通於天矣。因泣下霑衿。與武決去。陵惡自賜武。使其妻賜武牛羊數十頭。後陵復至海上。語武。區脫捕得雲中生口。言太守以下吏民皆白服。曰。上崩。武聞之。南鄉號哭。旦夕臨。昭帝卽位數年。匈奴與漢和親。漢求武等。匈奴詭

言武歿後漢使復至匈奴常惠請其守者與俱得夜見漢
使其自陳道教使者謂單于言天子射上林中得鴈足有
繫帛書言武等在其澤中使者大喜如惠語以讓單于單
于視左右而驚謝漢使曰武等實在於是李陵置酒賀武
曰今足下還歸揚名於匈奴功顯於漢室雖古竹帛所載
丹青所畫何以過子卿陵雖驚怯令漢且貲陵罪全其老
母使得奮大辱之積志庶幾乎曹柯之盟此陵夙昔之所
不忘也收族陵家爲世大戮陵尚復何顧乎已矣令子卿
知吾心耳異域之人一別長絕陵起舞歌曰徑萬里今度
沙幕爲君將今奮匈奴路窮絕今矢刃摧士衆滅今名已

能人

○其○實○語○

賈老母已歿。雖欲報恩。將安歸。陵泣下數行。武決單于召會。武官屬前以降。及物故凡隨武還者九人。武以始元六年春至京師。詔武奉一太牢。謁武帝園廟。拜爲典屬國。武留匈奴凡十九歲。始以彊壯出。及還。鬚髮盡白。武來歸。明年上官桀子安與桑弘羊及燕王蓋主謀反。武子男元與安有謀。坐歿。廷奏請逮捕武。霍光寢其奏。免武官。數年昭帝崩。武以故二千石與計謀立宣帝。賜爵關內侯。食邑三百戶。久之衛將軍張安世薦武明習故事。奉使不辱命。先帝以爲遺言。宣帝卽時召武待詔。宦者署數進見。復爲右曹典屬國。以武著節老臣。令朝朔望。號稱祭酒。甚優。

寵之。武年老，子前坐事死，上憐之。問左右：武在匈奴久，豈有子乎？武因后父平恩侯自白。前發匈奴時，胡婦適產一子，通國願因使者致金帛贖之。上許焉。後通國隨使者至上，以爲郎。武年八十餘，神爵二年病卒。甘露三年，單于始入朝，上思股肱之美，乃圖畫其人於麒麟閣，法其形貌，署其官爵姓名。唯霍光不名，曰大司馬、大將軍、博陸侯、霍氏。其次張安世，其次韓增，其次趙充國，其次魏相，其次丙吉。其次杜延年，其次劉德，其次梁丘賀，其次蕭望之。次後乃典屬國蘇武，凡十一人，皆有功德，知名當世，是以表而揚之。明著中興輔佐，列於方叔、召虎、仲山甫焉。自丞相黃霸

廷尉于定國、大司農朱邑、京兆尹張敞、右扶風尹翁歸及儒者夏侯勝等皆以善終著名。宣帝之世，然不得列於名臣之圖，以此知其選矣。

霍光

霍光字子孟，驃騎將軍去病弟也。去病死後，光爲奉車都尉、光祿大夫，出則奉車，入侍左右，出入禁闥二十餘年，小心謹慎，未嘗有過。征和二年，衛太子爲江充所敗，而燕王旦、廣陵王胥皆多過失。是時上年老，寵姬鉤弋趙婕妤有男，上心欲以爲嗣，命大臣輔之。察羣臣，唯光任大重，可屬社稷。上乃使黃門畫者畫周公負成王朝諸侯以賜光。後

元二年春、上游五柞宮、病篤、光涕泣問曰、如有不諱、誰當
嗣者、上曰、君未諭前畫意邪、立少子、君行周公之事、光頓
首讓曰、臣不如金日磾、日磾亦曰、臣外國人、不如光、上以
光爲大司馬、大將軍、日磾爲車騎將軍、皆拜臥內牀下、受
遺詔、輔少主、明日武帝崩、太子襲尊號、是爲孝昭皇帝、帝
年八歲、政事一決於光、光爲人沉靜詳審、長財七尺三寸、
白皙、䟽眉目、美須髯、每出入下殿門、止進有常處、郎僕射
竊識視之、不失尺寸、其資性端正如此、初輔幼主、政自己
出、天下想聞其風采、殿中嘗有怪、一夜羣臣相驚、光召尚
符璽郎、郎不肯授光、光欲奪之、郎按劍曰、臣頭可得、璽不

好、皇、帝。

可得也。光甚誼之。明日詔增此郎秩二等。衆庶莫不多光。
昭帝旣冠。遂委任光。訖十三年。百姓充實。四夷賓服。元平
元年。昭帝崩。亡嗣。武帝六男。獨有廣陵王胥在。羣臣議所
立。咸持廣陵王。王本以行失道。先帝所不用。光內不自安。
郎有上書言廣陵王不可以承宗廟者。光乃以其書示丞
相敞等。卽日承皇太后詔。遣行大鴻臚事少府樂成等迎
昌邑王賀。賀者。武帝孫。昌邑哀王子也。旣至卽位。行淫亂。
光憂憊。獨以問所親故吏大司農田延年。延年曰。將軍爲
國柱石。審此人不可。何不建白太后。更選賢而立之。光曰。
今欲如是。於古嘗有此不。延年曰。伊尹相殷。廢太甲以安

宗廟後世稱其忠將軍若能行此亦漢之伊尹也光乃引
延年給事中陰與車騎將軍張安世圖計遂召丞相御史
將軍列侯中二千石大夫博士會議未央宮光曰昌邑王
行昏亂恐危社稷如何羣臣皆驚愕失色莫敢發言田延
年前離席按劍曰先帝屬將軍以幼孤寄將軍以天下以
將軍忠賢能安劉氏也今羣下鼎沸社稷將傾且漢之傳
謚常爲孝者以長有天下今宗廟血食也如令漢家絕祀
將軍雖死何面目見先帝於地下乎今日之議不能旋踵
羣臣後應者臣請劍斬之光謝曰九卿責光是也天下匈
匈不安光當受難於是議者皆叩頭曰萬姓之命在於將

軍唯大將軍令、光卽與羣臣俱見白太后、具陳昌邑王不
可以承宗廟狀、皇太后乃車駕幸未央承明殿、詔諸禁門
毋內昌邑羣臣、王入朝太后、還乘輦欲歸溫室、中黃門宦
者各持門扇、王入門、閉昌邑羣臣不得入、王曰、何爲大將
軍晚曰、有皇太后詔、毋內昌邑羣臣、王曰、徐之、何乃驚人
如是、光使盡驅出昌邑羣臣、置金馬門外、車騎將軍安世
將羽林騎收縛二百餘人、皆送廷尉詔獄、令故昭帝侍中
中臣守王、光勅左右謹宿衛、率有物故自裁、令我負天下
有殺主名、王尚未自知當廢、謂左右、我故羣臣、從官安得
罪而大將軍盡繫之乎、頃之、有太后詔召王、王聞召、意恐、

乃曰、我安得罪而召我哉、太后被珠襦盛服、坐武帳中、侍御數百人、皆持兵、期門武士陛戟、陳列殿下、羣臣以次上殿、召昌邑王伏前聽詔、光與羣臣連名奏王、皇太后詔曰、可、光令王起拜受詔、王曰、聞天子有爭臣七人、雖亡道不失天下、光曰、皇太后詔廢、安得天子、乃持其手、解脫其璽組、奉上太后、扶王下殿、出金馬門、羣臣隨送、王西面拜曰、愚戇不任漢事、起就乘輿副車、大將軍光送至昌邑邸、光謝曰、王行自絕於天、臣等駑怯、不能殺身報德、臣寧負王、不敢負社稷、願王自愛、臣長不復見左右、光涕泣而去、入朝會丞相以下議定所立、廣陵王已前不用、及燕刺王反

誅其子不在議中、近親唯有衛太子孫號皇曾孫、在民間咸稱述焉、光遂復與丞相敞等上奏、皇太后詔曰可、光遣宗正劉德至曾孫家尚冠里、沐浴、賜御衣、迎入未央宮、見皇太后、封陽武侯、光卽奉上皇帝璽綬、謁高廟、是爲孝宣皇帝、光自後元秉政、及上卽位、乃歸政、上謙讓不受、諸事皆先關白光、然後奏御、光每朝見上、虛已歛容、禮下之已甚、光秉政前後二十年、地節二年春、病篤、車駕自臨問、夢上及皇太后親臨其柩、

金日磾

夷人養馬者

金日磾字翁叔、本匈奴休屠王太子也、武帝元狩中、驃騎

將軍霍去病將兵擊匈奴右地，多斬首虜，獲休屠王祭天
金人，其夏驃騎復西過居延，攻祁連山，大克獲。於是單于
怨昆邪休屠居西方，多爲漢所破，召其王欲誅之。昆邪休
屠恐，謀降漢。休屠王後悔，昆邪王殺之，并將其衆降漢，封
昆邪王爲列侯。日磾以父不降見殺，與母闕氏弟倫俱沒
入宮，輸黃門養馬。時年十四矣。久之，武帝游晏，見馬後宮
滿側，日磾等數十人牽馬過殿下，莫不竊視。至日磾獨不
敢。日磾長八尺二寸，容貌甚嚴，馬又肥好。上異而問之，具
以本狀對。上奇焉。即日賜湯沐衣冠，拜爲馬監，遷侍中駙
馬都尉、光祿大夫。日磾旣親近，上甚信愛之，賞賜累千金。

出則驂乘、入侍左右、貴戚多竊怨曰、陛下妄得一胡兒、反

○好○皇○帝○

貴重之、上聞愈厚焉、日磾母教誨兩子甚有法度、上聞而

嘉之、病歿、詔圖畫於甘泉宮、署曰休屠王閼氏、日磾每見

畫、常拜鄉之、涕泣、然後乃去、日磾子二人、皆愛為帝弄兒、

常在旁側、弄兒或自後擁上項、日磾在前見而目之、弄兒

走且啼、曰、翁怒、上謂日磾何怒、吾兒為、其後弄兒壯大不

○壯○哉○翁○也○

謹、自殿下與宮人戲、日磾適見之、惡其淫亂、遂殺弄兒、弄

兒、即日磾長子也、上聞之大怒、日磾頓首謝、具言所以殺

○聖○主○

弄兒狀、上甚哀為之泣、已而心敬日磾、初、莽、何羅與江充

相善、及充敗、衛太子、何羅弟通用、誅太子時、力戰得封、後

上知太子寃乃夷滅充宗族黨與何羅兄弟懼及遂謀爲
逆日磾視其志意有非常心疑之陰獨察其動靜與俱上
下何羅亦覺日磾意以故久不得發是時上行幸林光宮
日磾小疾臥廬何羅與通及小第安成矯制夜出共殺使
者發兵明旦上未起何羅亡何從外入日磾奏廁心動立
入坐內戶下須臾何羅哀白刃從東廂上見日磾色變走
趨臥內欲入行觸寶瑟僵日磾得抱何羅因傳曰莽何羅
反上驚起左右拔刃欲格之上恐并中日磾止勿格日磾
梓胡投何羅殿下得禽縛之窮治皆伏辜繇是著忠孝節
日磾自在左右目不忤視者數十年賜出宮女不敢近上

○聖○主○

欲內其女後宮，不肖其篤慎如此。上尤奇異之。及上病，屬霍光以輔少主。光讓曰：「碑曰：臣外國人，且使匈奴，輕漢。於是遂爲光副。光以女妻曰：碑。嗣子賞。初，武帝遺詔以討莽、何羅功，封曰：碑，爲秬侯。曰：碑，以帝少，不受封。輔政歲餘，病困。大將軍光白封曰：碑，臥授印綬。一日夢，賜葬其冢地，送以輕車介士。軍陳至茂陵，謚曰：敬侯。曰：碑，兩子，賞、建，俱侍中，與昭帝略同年。其臥起，賞爲奉車建駟馬都尉，及賞嗣侯，佩兩綬。上謂霍將軍曰：「金氏兄弟兩人，不可使俱兩綬邪？」霍光對曰：「賞自嗣父爲侯耳。上笑曰：「侯不在我，與將軍乎？」光曰：「先帝之約，有功乃得封侯。宣帝卽位，賞爲太

僕霍氏有事萌牙，賞上書去妻。上亦自哀之，獨得不坐。元帝時，爲光祿勳，薨。亡子，國除。元始中，繼絕世，封建孫當爲秬侯，奉日磧。後初日磧所將俱降，弟倫，字少卿，爲黃門郎。早卒。日磧兩子貴，及孫則衰矣。而倫後嗣遂盛。子安，上始貴顯，封侯。

班氏曰：金日磧，夷狄亡國，羈虜漢庭，而以篤敬寤主，忠信自著，勒功上將，傳國後嗣，世名忠孝。七世內侍，何其盛也！本以休屠作金人爲祭天主，故因賜姓金氏云。

朱雲

朱雲，字游，魯人也。徙平陵。少時通輕俠，借客報仇，長八尺。

餘容貌甚壯年四十乃變節從博士白子友受易又事前將軍蕭望之受論語皆能傳其業好倜儻大節當世以是高之是時少府五鹿充宗貴幸爲梁丘易自宣帝時善梁丘氏說元帝好之欲考其異同令充宗與諸易家論充宗乘貴辯口諸儒莫能與抗皆稱疾不敢會有薦雲者召入攝齋登堂抗首而請音動左右旣論難連在。五。鹿。君。故。諸。儒。爲。之。語。曰。五。鹿。嶽。嶽。朱。雲。折。其。角。成。帝。時。丞。相。故。安。昌。侯。張。禹。以。帝。師。位。特。進。甚。尊。重。雲。上。書。求。見。公。卿。在。前。雲。曰。今。朝。廷。大。臣。上。不。能。匡。主。下。不。以。益。民。皆。尸。位。素。餐。孔。子。所。謂。鄙。夫。不。可。與。事。君。苟。患。失。之。亡。所。不。至。者。也。臣。願。

賜尚方斬馬劍斷佞臣一人以厲其餘上問誰也對曰安
昌侯張禹上大怒曰小臣居下訕上廷辱師傅罪死不赦
御史將雲下雲攀殿檻檻折雲呼曰臣得下從龍逢比干
遊於地下足矣於是左將軍辛慶忌免冠解印綬叩頭殿
下曰此臣素著狂直使其言是不可誅其言非固當容之
臣敢以死爭慶忌叩頭流血上意解然後得已及後當治
檻上曰勿易因而輯之以旌直臣雲自是之後不復仕常
居鄠田時乘牛車從諸生所過皆敬事焉薛宣爲丞相雲
往見之宣備賓主禮因畱雲宿從容謂雲曰在田野亡事
且畱我東閣可以觀四方奇士雲曰小生乃欲相吏邪宣

輕○薄○

不敢復言其教授擇諸生然後爲弟子年七十餘終於家

王章

王章字仲卿泰山鉅平人也少以文學爲官稍遷至諫大夫在朝廷名敢直言元帝初擢爲左曹中郎將與御史中丞陳咸相善共毀中書令石顯爲顯所陷咸減歿髡章免官成帝立徵章爲諫大夫遷司隸校尉大臣貴戚敬憚之王尊免後代者不稱職章以選爲京兆尹時帝舅大將軍王鳳輔政章雖爲鳳所舉非鳳專權不親附鳳會日有蝕之章奏封事召見言鳳不可任用宜更選忠賢上初納受章言後不忍還鳳章由是見疑遂爲鳳所陷罪至大逆語

在元后傳、初章爲諸生學長安、獨與妻居、章疾病無被臥、牛衣中與妻決涕泣、其妻呵怒之曰、仲卿京師尊貴、在朝廷人誰踰仲卿者、今疾病困危、不自激昂、乃反涕泣、何鄙也、後章仕宦歷位、及爲京兆、欲上封事、妻又止之曰、人當知足、獨不念牛衣中涕泣時邪、章曰、非女子所知也、書遂上、果下廷尉獄、妻子皆收繫、章小女年可十二、夜起號哭、曰、平生獄上呼囚、數常至九、今八而止、我君素剛、先死者必君、明日問之、章果死、妻子皆徙合浦、大將軍鳳薨後、弟成都侯商復爲大將軍、輔政、白上還章妻子故郡、其家屬皆完具、采珠致產數百萬、時蕭育爲泰山太守、皆令贖還、

真賢能

故田宅章爲京兆二歲歿不以其罪衆庶冤紀之號爲三王

李生曰王章王鳳所舉薦者也非鳳專權不親附鳳反言鳳不宜任用遂爲鳳所陷以死其與趙廣漢始事霍氏復揣上旨徑將兵吏入霍氏之門搜索推破斧斬門關異矣吾謂王章可敬也班氏譏之非也雖不聽妻言而死要無害其爲兩賢者烏乎章賢者也有妻有女又賢是可以歿

龔勝龔舍竇壽邴漢曼容薛方邴相邴越相子郭欽

蔣詡栗融禽慶蘇章曹竟

龔勝龔舍皆楚人勝字君賓舍字君倩二人相友並著名

節故世謂之楚兩龔皆好學明經哀帝自爲定陶王已聞
勝名及卽位徵勝爲諫大夫引見勝薦龔舍及亢父甯壽
濟陰侯嘉有詔皆徵勝曰竊見國家徵鑒巫常爲駕徵賢
者宜駕上曰大夫乘私車來邪勝曰唯唯有詔爲駕龔舍
侯嘉至皆爲諫大夫甯壽稱疾不至勝爲諫大夫二歲遷
丞相司直徙光祿大夫守右扶風數月上知勝非撓煩吏
乃復遷勝光祿大夫諸吏給事中甚敬任之及勝言董賢
亂制度始逆指初琅琊郤漢亦以清行徵用王莽秉政勝
與漢俱乞骸骨於是勝漢遂歸老于鄉里漢兄子曼容亦
養志自修爲官不冑過六百石輒自免去其名過出於漢

莽既篡國、遣五威將帥行天下風俗、將帥親奉羊酒存問
勝、明年莽遣使者卽拜勝爲講學祭酒、勝稱疾不應徵、後
二年、莽復遣使者奉璽書、太子師友祭酒、卽綬安車駟馬
迎勝、卽拜秩上卿、先賜六月祿、直以辦裝、使者與郡太守
縣長吏三老官屬、行義諸生千人以上、入勝里致詔、勝稱
病篤、爲牀室中、使者入戶致詔、付璽書、奉卽綬、內安車駟
馬、勝對曰、勝素愚、加以老年被病、命在朝夕、隨使君上道、
必死、道路無益萬分、使者要說、至以卽綬就加勝身、勝輒
推不受、使者卽上言、方盛夏暑熱、勝病少氣、可須秋涼、乃
發、有詔許使者五日一與太守俱問起居、爲勝兩子及門

人高暉等言朝廷虛心待君以茅土之封雖疾宜移動至傳舍示有行意必爲子孫遺大業暉等白使者語勝自知不見聽卽謂暉等吾受漢家厚恩亡以報今年老矣旦暮入地誼豈以一身事二姓下見故主哉勝因勅以棺斂葬事衣周於身棺周於衣勿隨俗動吾冢種柏作祠堂語畢○千○古○絕○德○遂不復開口飲食積十四日死死時七十九矣使者太守臨歛賜複衾祭祠如法門人哀經治柩者百數有老父來吊哭甚哀旣而曰嗟乎薰以香自燒膏以明自銷龔生竟自○了○漢○子○天天年非吾徒也遂趨而去莫知其誰

班氏曰自成帝至王莽時清名之士琅琊有紀遂王思齊

則薛方子容、太原則郇越、臣仲、郇相雅賓、沛郡則唐林子

高、唐尊伯高、皆以明經飭行、顯名於世、紀逡兩唐、皆仕王

莽、封侯、貴重、歷公卿之位、唐尊衣敝履空、以瓦噐飲食、又

耻甚

以歷遺公卿、被虐僞名、郇越相同族昆弟也、並舉州郡孝

廉茂材、數病去官、越散其先人貲千餘萬、以分施九族、州

難

里相王莽時、徵爲太子四友、病死、莽太子遣使視、以衣衾

好種子

其子攀棺不聽、曰、死父遺言、師友之送、勿有所受、今於皇

太子得託友官、故不受也、薛方嘗徵不至、及莽以安車迎

方、方因使者辭謝、曰、堯舜在上下、有巢由、今明主方隆唐

妙

虞之德、小臣欲守箕山之節、使者以聞、莽說其言、不強致

喻麋郭欽哀帝時爲丞相司直杜陵蔣詡元卿爲兗州刺史亦以廉直爲名王莽居攝欽詡皆以病免官歸鄉里臥不出戶卒於家齊栗融客卿北海禽慶子夏蘇章游卿山陽曹竟子期皆儒生去官不仕於莽及世祖卽位徵薛方道病卒兩龔子孫皆見褒表至大官昔武王伐紂遷九鼎於雒邑伯夷叔齊薄之餓死首陽不食其祿然孔子賢此二人以爲不降其志不辱其身也漢興有園公綺里季夏黃公角里先生此四人者當秦之世避而入商雒深山高祖召之不至呂后用留侯計使皇太子卑辭束帛致禮安車迎之四人旣至從太子見高祖客而敬焉太子得以爲

重遂用自安其後谷口有鄭子真蜀有嚴君平皆修身自
保非其服不服非其食弗食成帝時元舅大將軍王鳳以
禮聘子真子真遂不詘而終君平卜筮於成都市以爲卜
筮者賤業而可以惠衆人有邪惡非正之問則依者龜爲
言利害各因勢導之裁日閱數人得百錢足自養則閉肆
下簾而授老子著書十萬餘言楊雄少時從游學已而仕
京師顯名數爲朝廷在位賢者稱君平德杜陵李彊素善
雄久之爲益州牧喜謂雄曰吾真得嚴君平矣雄曰君備
禮以待之彼人可見而不可得詘也彊心以爲不然及至
蜀致禮與相見卒不敢言以爲從事乃歎曰楊子雲誠知

人君平年九十餘遂以其業終蜀人愛敬至今稱焉及雄
著書言當世士稱此二人其論曰或問君子疾沒世而名
不稱盍勢諸名卿可幾曰君子德名爲幾梁齊楚趙之君
非不富且貴也惡乎成其名谷口鄭子真不詘其志耕於
巖石之下名震于京師豈其卿豈其卿楚兩龔之潔其清
矣乎蜀嚴湛冥不作苟見不治苟得久幽而不改其操雖
隋和何以加諸舉茲以旃不亦寶乎

李長者曰人言西漢明經術東漢重節義以今觀之西漢
之節義一何多也又有梅福逢萌王君公徐房季子雲譚
賢殷謨嚴光周黨王霸譙玄費貽李業王皓王嘉任永逢

信○劉○茂○郭○憲○許○楊○皆○寧○歿○而○不○肯○仕○莽○與○公○孫○述○者○故○復○
錄○而○表○之○以○見○西○漢○之○節○義○尤○多○也○但○西○漢○之○直○節○隱○於○
下○東○漢○之○直○節○憤○于○上○隱○於○下○者○本○圖○免○歿○又○或○不○免○於○
歿○或○不○免○於○全○家○俱○歿○憤○于○上○者○自○分○必○死○以○救○同○類○之○
歿○以○冀○惡○黨○之○不○敢○肆○而○惡○黨○竟○肆○同○類○竟○歿○况○一○身○一○
家○乎○吾○以○是○觀○之○處○衰○亂○之○世○當○危○亡○之○朝○或○上○或○下○皆○
未○有○可○者○也○然○則○亦○任○之○而○已○且○漢○自○孝○安○而○下○國○宜○亡○
矣○而○卒○不○亡○者○何○居○則○以○賢○人○滿○朝○君○子○接○踵○虎○視○雖○眈○
而○虎○口○常○探○龍○戰○雖○傷○而○龍○鱗○屢○逆○百○折○不○回○九○死○靡○悔○
李○杜○滅○而○李○杜○復○繼○之○終○不○以○于○野○之○血○玄○然○黃○然○嚇○嚇○

可○畏○而○遂○縮○也○假○使○何○進○能○聽○太○后○之○語○不○妄○召○外○兵○以○
討○諸○闡○則○袁○曹○雖○強○亦○何○釁○而○起○乎○盖○至○於○老○瞞○專○國○二○
十○五○年○終○不○敢○篡○漢○自○立○則○孔○融○雖○歿○其○所○禪○於○漢○帝○者○
弘○矣○殺○其○身○無○益○於○君○已○勝○於○老○死○牖○下○者○萬○萬○况○有○益○
於○君○耶○西○漢○哀○平○未○甚○失○德○也○而○王○莽○從○容○焉○飭○智○矯○廉○
以○取○之○向○使○終○始○謙○恭○下○士○不○改○漢○家○舊○制○則○潛○移○嘿○運○
不○覺○矣○故○知○虎○豹○在○山○藜○藿○不○採○非○虛○語○也○吾○又○以○是○觀○
之○東○漢○諸○賢○之○憤○于○上○非○得○已○也○然○上○焉○可○也○憤○焉○不○可○
也○正○已○而○不○求○人○以○潛○消○其○非○僻○之○心○正○已○而○物○自○正○以○
坐○收○其○不○顯○之○益○斯○善○矣○雖○然○此○必○學○焉○而○後○可○也○世○之○

學而後入政者能幾人哉。嗚呼。不憤不發。夫子嘗曰。殺身以成仁矣。孟子亦曰。舍生而取義矣。事君致身。此萬世律令也。此而不發憤。更待何時而後發憤乎。若夫明哲保身之云。直謂不在其位者發。非謂居高食厚者發也。道學先生。慎勿錯引聖語。以誤後世。其可。梅福逢萌。王君公。嚴光。周黨。王霸等十二人。別有傳在。隱逸。

譙玄費貽譙瑛

譙玄。字君黃。巴郡閬中人。成帝永始二年。詔舉敦樸遜讓有行義者各一人。州舉玄。詣公車。對策高第。拜議郎。帝始作期門。數爲微行。立趙飛燕爲皇后。后專寵懷忌。皇太子

多橫天折。玄上書諫。遷太常丞。以弟服去職。平帝元始元年。又詔公卿舉敦樸直言。大鴻臚左成舉玄。詣公車對策。復拜議郎。遷中散大夫。四年。遷明達政事。能班化風俗者八人。時並舉玄爲繡衣使者。持節與大僕任惲等分行天下。觀覽風俗。所至專行誅賞。事未及終。而王莽居攝。玄於是縱使者車。變易姓名。間竄歸家。因以隱遁。後公孫述僭號於蜀。連聘不詣。述乃遣使者備禮徵之。若玄不肯起。便賜以毒藥。太守乃自齎璽書至玄廬。玄仰天歎曰。唐堯大聖。許由耻仕。周武至德。伯夷守餓。彼獨何人。我亦何人。保志全高。死亦奚恨。遂受毒藥。玄子瑛泣血叩頭於太守前。

曰方今國家東有嚴敵、兵師四出、國用軍資、或不常充、願奉家錢千萬以贖父歿、太守爲請、述聽許之、玄遂隱藏田野、終述之世、建武十一年卒、明年天下平定、玄弟慶以狀詣闕、自陳、光武美之、詔本郡祠以中牢、勅所在還玄家錢、時亦有健爲費貽、不肯仕述、漆身爲厲、佯狂以避之、退藏山藪十餘年、述破後、仕至合浦太守、瑛善說易、以授顯宗、爲比宮衛士令

李業李暈王皓王嘉任永逢信

李業字巨游、廣漢梓潼人、元始中舉明經、除爲郎、會王莽居攝、業以病去官、隱藏山谷、絕匿名迹、終莽之世、及公孫

述僭號素聞業賢徵之業固稱疾不起數年述羞不能致
乃使大鴻臚尹融持毒酒刼業業歎曰危國不入亂國不
居誠然乎哉遂飲毒而死述聞業死大驚又耻有殺賢之
名乃遣使弔祠賻贈百匹業子暉逃辟不受果哉有其父
必有其子也蜀平光武下詔表其閭益部紀載其高節圖
畫其形像宜矣初平帝時蜀郡王皓爲美陽令王嘉爲郎
王莽篡位並棄官西歸及公孫述稱帝遣使徵皓嘉恐其
不至先繫其妻子使者謂嘉曰速裝妻子可全對曰犬馬
猶識主况於人乎王皓先自刎以首付使者述怒遂誅皓
家屬王嘉聞而歎曰後之哉乃對使者伏劍而死是時捷

爲任永君業同郡逢信並好學博古公孫述連徵命皆託
青盲以避世任永妻淫於前匿情無言見子入井忍而不
救信侍婢亦對信姦通及聞述誅皆盥洗更視曰世適平
目卽清淫者自殺光武聞而徵之並會病卒

郭憲

郭憲字子橫汝南宋人王莽篡位拜憲郎中賜以衣服憲
受衣焚之逃于東海遂不知所在光武卽位徵憲建武七
年代張堪爲光祿勳從駕南郊憲忽回向東北含酒三盞
詔問其故憲對曰齊國失火故以此厭之後齊果上火與
郊同日八年車駕西征隗囂憲乃當車拔佩刀以斷車鞅

帝不從、遂上隴、其後潁川兵起、乃回駕而還、帝歎曰、恨不用子橫之言、時匈奴數犯塞、憲以爲天下疲敝、不宜動衆、諫爭不合、乃伏地稱眩、瞽不復言、帝令兩郎扶下殿、憲亦不拜、帝曰、嘗聞關東觥觥郭子橫、竟不虛也、

許楊

許楊、字偉君、汝南平輿人、王莽篡位、楊變姓名爲巫醫、逃匿它界、莽敗、方還鄉里、汝南舊有鴻郤陂、成帝時、丞相翟方進奏毀敗之、建武中、太守鄧晨欲修復其功、聞楊曉水脉、召與議之、楊曰、昔成帝用方進之言、尋而自夢上天、天帝怒曰、何故敗我濯龍淵、是後民失其利多、致饑困、明府

今興立廢業富國安民誠願以死効力晨大悅因署楊爲
都水掾使典其事楊因高下形勢起塘四百餘里百姓得
其便累歲大稔初豪右大姓因緣陂役競欲辜較在所楊
一不聽遂其譖楊受賂晨遂收楊下獄而械輒自解晨驚
曰果濫矣太守聞忠信可以感靈今其效乎卽夜出楊遣
歸時天大陰晦道中若有火光照之時人異焉

范曄曰易稱遯之時義大矣哉又曰不事王侯高尚其事
是以堯稱則天不屈賴陽之高武盡美矣終全孤竹之潔
自茲以降風流彌繁長往之軌未殊而感致之數匪一或
隱居以求其志或回避以全其道或靜已以鎮其躁或去

危以圖其安、或垢俗以動其槩、或疵物以激其清、然觀其
其心、畎畝之中、憔悴江海之上、豈必親魚鳥、樂林草哉、亦
云性分所至而已、故蒙耻之賓、屢黜不去其國、蹈海之節、
千乘莫移其情、適使矯易去就、則不能相爲矣、彼雖硜硜、
有類沽名、然而蟬蛻囂埃之中、自致寰區之外、異夫飾智、
巧以逐浮利者、荀卿有言、志意修、則驕富貴、道義重、則輕
王公、漢室中微、王莽篡位、士之蘊藉義憤、甚矣、是時裂冠
毀冕、相攜持而去之者、蓋不可勝數、楊雄曰、鴻飛冥冥、弋
者何篡焉、言其違患之遠也、光武側席幽人、求之若不及、
旌帛蒲車之所徵、賁相望於巖中矣、若薛方逢萌、聘而不

肅書
卷二十八
有至嚴光周黨王霸至而不能屈羣方咸遂志士懷仁斯
固所謂舉逸民天下歸心者乎肅宗亦禮鄭均而徵高鳳
以成其節自後帝德稍衰邪孽當朝處子耿介羞與卿相
等列至乃抗憤而不顧多失其中行蓋錄其絕塵不反同
夫作者云耳





